

| | |
|--|--|
| Reforma di e Fondo pa Combati Criminalidad | |
| E proyecto ta conta pa Aruba, Corsou y Sint Maarten | |
| Tema H: Fortificacion di e Estado di Derecho | |
| Ta pone maneho y supervicion di e fondo pa combatimento di criminalidad na ordo. Corsou y Sint Maarten ta sigui e recomendacionnan di e rapportnan di Raad voor de Rechtshandhaving. Pa mas tarda 1 di april 2021 e paisnan a apunta un organisacion independiente cu ta controla si e fondo ta sigui e recomendacionnan y ta raporta si e fondo ta funciona na drechi. | |
| Motibo | Cu institucion di e Fondo pa Combati Criminalidad (CF) -un fondo presupuestario den sentido di articulo 39 di e 'Comptabiliteitsverordening 1989' (AB 1989 no. 72) – e intencion tabata pa uza e plaka deposita eyden pa un meta specifico riba tereno hudicial, esta combatimento di criminalidad, cu e fin pa por maneha e plakanan aki apart. Den curso di añanan a constata algun deficiencia relaciona cu funcionamiento di e Fondo di Criminalidad, entre otro relaciona cu e maneho diario y definicion di combatimento di criminalidad, cu mester keda coregi. Den cuadro di ehecion di e Paquete di pais Aruba, Hulanda a duna instruccion pa tuma algun medida interno, tambe pa loke ta trata e Fondo di Criminalidad. Den caso di Corsou y Sint Maarten ta implementa e reformanan basa riba e recomendacionnan den e rapportnan di Raad voor de Rechtshandhaving. Aunke e rapportnan aki no tin relacion directamente cu e caso di Aruba, toch a resulta necesario pa Aruba tambe wak si y te con leu por join e medidanan aki. Cambianan den e areglo pa institucion di e Fondo di Criminalidad ta tuma luga pa medio di un cambio di ley. |
| Meta | E proyecto su enfoka ta pa realiza un maneho renoba y harmonisa mas tantu posibel - pa cu otro, di e fondo pa combati criminalidad renoba y su supervicion, pa medio di clarificacion y uzo univoco di definicion- y terminologianan cu ta usa como tambe fortificacion di e actual posibilidadnan di supervicion, pa medio di un cambio di e 'Landsverordening Criminaliteitsbestrijdingsfonds' (AB 2012 no. 52). E rapportnan di Raad voor de Rechtshandhaving tocante e fondonan pa combati criminalidad di Corsou y Sint Maarten por sirbi como inspiracion pa esaki. |
| Tarea | Cambia e 'Landsverordening Criminaliteitsbestrijdingsfonds' (AB 2012 no. 52) di tal forma cu ta fortifica e maneho y supervicion riba e Fondo. |
| Accion scogi | Ta trata aki di un proyecto legislativo, mas especificamente cambio di un ley formal di Pais Aruba. E proceso legislativo conoce un fase administrativo preliminar y un fase publico, parlamentario. Raad van Advies ta conseha tocante e proyecto di ley y gobierno ta reacciona riba esaki por escrito den un rapport adicional na Gobernador, despues di presenta esakinan na Staten pa tratamiento, ambos documento ta publico. Ta trata di un manera di traha / procedura formalmente prescribi cu automaticamente ta percursa pa e puntonan di salida menciona: transparencia y comunicacion, probecha di poder di e area y resistencia pa futuro |
| Resultadonan aspira | E resultado final ta percursa pa realiza un Landsverordening modifica riba puntonan specifico cu ta contene mehoracionnan pa loke ta trata maneho di y supervicion riba e fondo pa combati criminalidad. |

| | |
|---|---|
| Condicionnan, relacion y/of dependencia | <i>No ta aplicabel.</i> |
| Planificacion | <i>Ta haci esfuerso pa e Concepto di e Landsverordening ta cla na juni 2022 pa presenta na ministerraad. Ta premira cu tratamiento di e Landsverordening dor di Staten di Aruba lo tuma luga den parti final di aña 2022.</i> |